



## **Universitätsbibliothek Paderborn**

### **Mirabilis Vita Venerabilis Virginis Marinæ De Escobar Vallisoletanæ**

Deprompta ex ijs, quæ ipsamet jussu Patrum suorum Spiritualium  
consignavit

Vitæ Venerabilis Virginis Marinæ De Escobar. Pars Prima

**Puente, Luis de la**

**Pragæ, 1672**

Cap. 10. De ardenti zelo, quo exoptabat salutem omnium hominum, &  
admirandis rebus, quæ illi ea in re evenerunt cum Deo.

**urn:nbn:de:hbz:466:1-38580**

## CAPUT X.

De ardenti zelo, quo exoptabat salutem omnium  
hominum, & admirandis rebus, quæ illi ea in re evenerunt  
cum DEO.

**H**abitâ notitiâ, & cogniti-  
one tot misérarum mun-  
di, quam DEVS commu-  
nicabat sue famula, indi-  
es magis exardeſcebat in  
eius corde fervens zelus,  
quo exoptabat salutem proximorum, infat-  
iſſatiabilis ignis, qui nunquam dicit, suffi-  
cit; quem ipſem DEVS conſovebat novis  
revelationibus, de his necessitatibus, quas de-  
inceps referemus.

## §. I.

**I**n primis declaremus ipsius verbis vehe-  
mentiam hujus zeli, ac ingentem dolorem & cruciatum, quo propterea divexaba-  
tur, quod videtur tot mundi miserias; cum  
admirabili alloquio, pleno solati, quo illam  
DEVS replevit (in Decembri, anni 1619.)  
In ista afflictione, inquit, plerumq; Domini-  
nus meam animam ingenti & insolito dol-  
oris sensu commotam ducit ad contem-  
plandum magnum nostrum DEUM ac  
Dominum, graviter, atq; tot & varijs mo-  
dis offendit, nec non agnoscendam per-  
verſitatem innumerarum animarum, ea-  
rundemq; damnationem, ad quam idcir-  
co deveniunt. Et afflictiones, peccata, ac  
infirmitates proximorum ita meam ani-  
mam excruciant, meumq; cor quasi vul-  
nerant, ut mihi omnes videantur esse  
quodammodo membra corporis mei,  
mihiq; uniti, & incumbentes meis hume-  
ris. Dum sic eset constituta mea ani-  
ma, quâdam vice me veluti dormitien-  
tem excitavit Dominus, dicendo: Audí-  
ne, Anima? expurgiscere. Hac Domini  
voce citissime fui excitata, & dixi cum af-  
fectu magni amoris, ac reverentia: Quid  
vis, mi DEUS ac Domine? jube me fa-  
cere sanctissimam voluntatem tuam.

Tum Domminus dixit: Anima mea, video  
te afflictam, contristatam ac moerentem,  
propter vehementem dolorem, quem per-  
cipis ex eo, quod video vilipendi & of-  
fendi gloriam meam ac honorem, quan-  
tum est in hominibus, atq; propter tam  
multas animas, quæ versantur in statu æ-  
ternæ damnationis. Plurimum mihi id  
placeat, & compatiō tibi. Verumta-  
men gaude in me, & bono esto animo,  
ob id, quod tibi dicam: Scias velim, uni-  
versam humanam naturam esse unum,  
corpus, cuius anima & vita sunt mei justi,  
& mei Sancti, quos mihi elegi jam inde à  
mea æternitate. In ista anima & hac  
vita istius corporis defixos habeo oculos  
& obtutum: atq; hi sunt, qui manent in  
meo corde, quolq; ego in illo gero, & qui-  
bus oblector, gloriō ac recreor. Ablatā  
vero ista anima ac vitâ ejusdem corpo-  
ris, qua est formosa & sponsa mea, ac sub-  
sistit, habetq; gratiam in oculis meis, om-  
nia reliqua membra putrida & vitiata hu-  
jus corporis natura humana, non curo,  
nec mihi displaceat, quod, cùm sint talia,  
propter suam malitiam & culpam abſci-  
dantur, & projiciantur in ignem, quamvis  
non sine dolore & afflictione anima. Ita  
facit bonus & sapiens Medicus, qui atten-  
dens ad id, quod præcipue prodelf infirmo,  
estq; maximum ac optimum, nimurum  
ad vitam hominis, & ipsius substantiam;  
ceterum non curat, quod abſcidantur,  
vel adurantur quæcunq; membra putrida  
& vitiata illius corporis. Quocirca, Ani-  
ma mea, noli confaternari, vel animo con-  
cidere, sed quiescendo in meo corde &  
mente mea Divina, habe solatium in me,  
& in operibus meis ac judiciis altissimis &  
secretissimis mea Justitia, in quibus omni-  
bus reluet ac resplendet mea Bonitas &  
Misericordia, quemadmodum dixit Moy-  
ses

ses, quando me vidit. Mea anima audit  
vit hos Divinos sui DEI ac Domini Ser  
mones, quibus est summopere recreata &  
animata, atq; exhilarata in suo DEO. Et  
sic fuit finita illa Divina communicatio.

## §. II.

**E**ffectus hujus zeli videbimus in ar  
dentissimis desideriis, que se habere  
ostendit, ut salvarentur non pauci, neq;  
tantum multi, sed omnes homines, in qua  
dam visione, hunc in modum. Quodam  
die (in Martio anni 1622.) fui deduxta à  
meis Dominis Sanctis Angelis ad cælestem  
Jerosolymam, usq; ad conspectum Do  
mini DEI. Transivi per quasdam velu  
ti nubes, quæ quodammodo rumpeban  
tur; erant enim ex materia spissa, tametsi  
penetrabili; & postquam illas transvis  
sem, iterum condensabantur: atq; eo mo  
do, cum non exigua mea molestia, perve  
ni ad conspectum DEI. [hoc significat,  
quam difficilis sit via ad DEI conspectum,  
& quid derelinqua fuit omnia terrena,  
ut ad illum perveniat.] Postquam me  
Divina Majestas vidisset, dixit mihi: An  
ima, esne hic? venisti huc jussu meo, quid  
vis? pete, quod tibi placet, quia id faciam.  
Ego avidissime, ex Divina inspiratione, re  
spondi: Mi Domine, salutem omnium  
hominum peto; quod petebam, iterando  
inter ardentia desideria & affectus identi  
dem: Salutem omnium hominum, salu  
tem omnium hominum, peto, Domine.  
Hoc dicto fui summo impetu projecta ad  
meum locum, ac si aliquis proijceret gra  
vissimum lapidem, qui rueret ad suum  
centrum: Ego tamen non solum non fui  
consternata, neq; concidi animo; ut potiūs,  
videns me in meo loco, animosiùs ac  
ardentiùs repetierim: Domine, salutem  
omnium hominum à te peto; & attolle  
bam vocem, repetendo eandem petitio  
nem: quin imo etiamsi deturbarer ad  
infernum, peterem salutem hominum.  
Interea mihi comparuerunt duo Sancti  
Angeli ex superioribus, & gravissimi, inter  
rogaveruntq; me: Anima, quid vis? Ego  
dicebam: Salutem omnium hominum.

Illi mihi dixerunt: Ducemus te iterum  
ad Dominum diversâ viâ, & faciliter, ut pro  
grediari absq; defatigatione, ibi pete, quod  
volueris. Duxerunt me quâdam viâ tam  
pulchrâ, amœnâ & gratiolâ, ut absq; ulla  
mea molestia pvererim ad conspectum  
DEI. Divina Majestas me suscepit per  
amanter, dixitq; mihi: Anima, dic mihi,  
quid velis? Ego respondi: Mi Domine, ut  
salventur omnes homines. Dominus  
autem reposuit: Multum petis. Adverte,  
me, licet sim omnipotens, & possim omnes  
salvare, nihilominus operari juxta mea  
Divina decreta, relictâ hominibus liber  
tate, ut pro sua voluntate disponant de  
sua salute. Non cogo ipsos, dedi illis li  
berum arbitrium, & multi sunt, qui no  
lunt bene uti mæ misericordiâ, nec re  
spondere meis vocationibus, suntq; mihi  
refractarij. Fierētne bene, si aliquis Rex  
ignosceret omnibus suis subditis rebelli  
bus, qui contrâ ipsum conspiravissent, ab  
utentes ipsius benignitate? certè, non.  
Tempera tibi: pete aliquid aliud. Ego  
respondi: Quod peto, Domine, est, ut sal  
ves millena millia hominum. Adhuc  
non bene petis; est multum; pete aliquid  
speciatim, dixit Dominus: Accede; non  
ne tibi sufficiet, si salvem tot homines,  
quot potest capere aliquot Regnum? Hu  
ic dicto Divino me oportebat acquiesce  
re. Et Dominus mihi pollicitus est, se  
id facturum: quo fui contenta... Post  
quam discessi à Domino, reperi me in meo  
angulo, quo me deduxerunt Sancti Ange  
li. Benedictus sit DEUS in omissibus  
operibus suis. Amen.

Perseverante hoc eodem affectu, ac de  
siderio salutis omnium in mea anima,  
post paucos dies dixi Domino: Domine,  
dona mihi aliquid, quod tibi dem; sum  
enim pauperrima, neq; quod tibi offeram,  
habeo, nisi tu mihi id dones. Respondit  
mihi Dominus aliquantò post: Quando  
quidem hoc dicis, accipe, quod tibi volo  
dare. Conspexi derepente solam quam  
dam manum habentem digitos terram  
versus directos, inter quos tenebat quad  
dam nigrum instar picis. Deinde vidi  
quendam orbem filaceum, ex quo aureum  
filum

filum ducebatur per digitos illius manus; ubi, dum perveniret ad eam rem nigrum, similiter nigrescebat, & conglomeratum evadebat unum quid cum illa. Tum dixit Dominus: Accipe hoc. Ego, meo more, timens, tergiversabar, donec in raptu rem illam nigram, quæ erat quasi quadrata, posuisset Dominus ad meam manū; ubi fuit subito versa in gemmam. Statim intellexi, quid significaret, idèq; ipsam cum magna voluntate offerebam DEO, qui mihi dixit: Ista res nigra, obvoluta filo aureo, quod ab illa est denigratum, est anima cujusdam divitis, quæ per suas divitias se multis peccatis impluit: Propter tuas autem preces ac tanta desideria, illam converti ad me, donavīq; tibi, ut eam mihi offerres, ac satisfaceres huic desiderio, quo teneris, ut salventur homines.

## §. III.

**A**Liās (in Septembri Anno 1618.) ait, mihi inspiravit DEUS tanta desideria conversionis infideliū, ut mihi præ illis cor disrumperetur. Hoc igitur petebam à Domino, quām instantissime poteram. Et Dominus mihi dicebat, postulare etiam ab ipso suam Justitiam, ut vindictam sumat de his Infidelibus. Ego autem dicebam Domino: Non, Domine, Tua Majestas illis debet parcere, & eos convertere ac adducere ad suam Ecclesiam. Speciatim cogitabam de infidelibus Japoniæ & Chinæ, nec non de Hæreticis Galliæ, Angliæ, & Germaniæ, atq; id peto quām frequentissimè à Domino.

Alio die me Dominus de nomine vocavit, dixitq; mihi: Audis, Anima? Respondi: Ità, Domine. Subjecit Dominus: Víne venire mecum? Ità, Domine, ajebam, ego. Tum Dominus: Ibisne, quò te ego duxero? Respondi: Ità, Domine. Quare Dominus me subito secum univit, unione quādam admirabili, duxitq; me unà ad quendam locum, ex quo mihi totum mundum valde clarè ac distinctè ostendit obiter lustrandum, & dixit mihi: Videsne ibi Galliam, Angliam, Turciā, &

relicias mundi partes, ac Provincias, quæ sunt destitutæ Fidei. Dic mihi modò, quām ex his Provincijs velis, ut illam in tui gratiam convertam ad fidem? Ego respondi: Vellem, ut omnes te cognoscerent & amarent. Dominus autem respondit: Hoc non est congruum meæ Justitiæ: dic, qualem ex ijs velis? Ego quamvis oculis meis obversaretur Gallia, nihilominus oravi pro Anglia, & dixi: Domine, Angliam. Dominus mihi respondit: Hæc Regio non est ad id disposita; significando mihi, magnam nunc viventis Regis Angliæ improbitatem. Nihilominus mihi Dominus dixit, futurum, quod petebam; non hac tamen ætate, sed aliâ. Ego reposui: Semper Tua Majestas mihi dicit, se facturum ea, quæ ego non sum vifura. Memineram enim mihi à Divina Majestate fuisse dictum aliquid aliud hujusmodi. Dominus autem mihi dixit, ita expedire, ut non videam quædam, quæ Divina ejus Majestas mihi dicebat, sed ut videam alia: atq; sic futurum cum Anglia, quæ securis ætatibus esset convertenda, non expresso ullo certo tempore; quòd id non esset eventurum in vita hujus Regis, modo regnantis.

## §. IV.

**A**dmirabilior, magisq; obstupescenda, fuit sequens visio: Dum agerem, inquit, cum Domino, ostendit mihi eclipsim solis & lunæ, quæ significabat ipsummet DEUM iratum & offendit; & quosdam Angelos, qui quodammodo discutiebant illas tenebras, ut una pars solis aliquantum claresceret. Subito autem quædam nubecula obumbravit Solem, & orta est ingens tempestas pluvia, grandinis, tonitruorum ac fulminum decidentium ex Cælo super mare, & multas naves, ac homines, qui ipsi vehabantur, quas comburebant ac submergebant. Et multi ex illis hominibus ruebant ad Infernum, alij verò deveniebant ad Purgatorium; id quod mea anima spectavit cum ingenti afflictione, ac dolore, implorando Divinam misericordiam

SSS 2

cordiam. Deinde vidi Christum Dominum affixum Crucis, quasi in aëre, inter Cælum ac terram, & veluti imminentem illi procellosa nubi, quæ significabat Justitiam D E I punientis eos homines, quemadmodum luna eclipsata similiter repræsentabat Justitiam D E I, relinquens in obscuritate ac tenebris multas animas, propter ipsarum peccata: Angeli D E I, illâ discussione tenebrarum significabant, se voluisse suâ intercessione placare iram D E I, sed tandem, etiam si aliquid profecerint, non tamen tantum, ut cohiberent impetum Divinæ indignationis. Atq; ipse Filius D E I exhibens suo æterno Patri, in illo mysterio, ea, quæ passus est in Cruce pro peccatoribus, licet sit eorum advocatus, nihilominus propter malam ac perversam dispositionem animalium, non potuit efficere, ut D E U S remitteret rigorem suæ iræ, eò quòd jam ita essent res comparatae, ut non posset amplius desistere ab exercenda justitia, & à concedendo loco Divinæ indignationi. Omnia ista manifestavit D E U S meæ animæ.

Posthoc me duxit D E U S ad cælestem Jerosolymam, & constituens me in suo conspectu, mihi dixit: Nunquid vidiisti, & intellexisti, quod contigit? Tu, pro tua charitate, omnia facis, ac si te aliquid horum concerneret, quia commiseratione tangeris, ac doles, propter afflictiones & mala aliena, quasi propria, ideoq; affligeris ob peccata proximorum, & intercedis apud me pro ipsis, ac si essent tua, atq; eodem modo gaudes & recrearis alienis bonis. Jam ego te, ex mea bonitate, útq; tibi ista compensem, volo exornare duplice ueste; unâ albâ, quæ significat gaudium de bonis alienis, & alia rubrâ, pretiosâ, splendidâ, quæ repræsentat afflictionem ac dolorem, quem sentis propter damna & mala aliena. Atq; hoc dicto, induit Dominus meam animam imprimis ueste albâ, ac tum rubrâ, quæ tota resplendebat, & erat exornata pretiosis gemmis. Deinde accepit Dominus, unâq; omnes tres Divinæ Personæ, quandam grandem catenam auream splendidam,

quam, ubi triplicatam circumposuisset meo collo, intuitus est amanter & benignè meam animam, dixitq; illi: Benetibi congruunt hæ vestes, & appares sponsi manu ornata ac vestita: deducam te modò ad thalamum, donec adveniat dies nuptiarum celebrandarum, in nunquam terminanda æternitate. Tum me Sancti Angeli statim deduxerunt in meum locum. Postquam mihi fui redditæ, dixi magno affectu: Aliâ vice, mi D E U S, ac Domine mi, quando tu exeres tuam iram, sicut fecisti, ego me constituam in medio tempestatis & fulminum, brachijs quam maximè expansis, ut pro viribus contemnam, furorem tuæ indignationis; atq; id mea anima dicebat D E O cum magno dolore, & videor mihi per omnes hos dies ferre universos homines, quasi incumbentes humeris, atq; sub meis brachijs, tanquam filios viscerum meorum, cupiens ipsos juvare, ac tueri ab omni malo & peccato: Verum, quia nihil valeo, nec possum, omnia terminantur in his affectibus ac desiderijs; quamvis Dominus, ut me consolaretur, dixerit, multis à se fuisse præstatam gratiam, propterea quòd sit qui est, & ego miserabilis id ab illo petiverim.

### §. V.

**S**avior & gratus fuit sequens vijs in favorem proximorum. Dum, inquit, (in Julio Anni 1622.) vehementer angerer & exagitarer quibusdam apprehensionibus, quibus me Dominus permisit vexari aliquot diebus, & miserable corpus vehementer esset confractum ac afflictum doloribus, alloquitus est Dominus meam animam peramanter & benignè, compatiensq; mihi, propter meos dolores, ac internas afflictiones, dixit: Anima mea, quid habes? quæ causa est tui doloris & afflictionis? requiesce modò in me, & cessent tuae afflictiones, quia non habes, cur affligaris, néq; ullam rationem, ob quam angaris. Considera, quid à me velis, & pete à me, quod volueris. Audiens mea anima hæc Divina verba, fuit repleta summo

mo solatio & gaudio, atq; rapta est quasi in ecstasim, ac unita suo DEO; ubi vero sibi aliquantum est redditia, priusquam esset preparata, vel scivisset, quid esset petitura a suo DEO, incepit alta voce dicere: DEUS mi, & Domine mi, ac omne bonum meum, quod mihi a te peto dari, quodq; mihi debes concedere, est, ut impetrari tuam sanctam Benedictiōnem, ex tua infinita bonitate, omnibus, qui se mihi commendaverunt: neq; alter ullo modo fieri oportet, sed necesse est, ut ipsis bene preceris. Et cum eo fervore ac affectu expandebam mea brachia, valdeq; procul in altum elevata clamabam & dicebam: Filij mei animæ meæ, (quod alias nunquam dico) venite huc, quam citissimè, nolite morari (& advocabam illos manibus), ut suscipiatis benedictionem vestri magni DEI, ac Domini. Ad hanc invitationem & vocem meæ animæ veniebant omnes celeriter, cum suis Angelis Custodibus, qui ipsos adducebant. Agnovi quosdam ex illis, qui advenerant, & simul sumpti erant plures, quam ut possent locum habere in aliquo magno templo. Cum viderem omnes illas animas circa me, & coram Christo Domino, affluēbam ingenti solatio, & prostrata ante ipsum Majestatem, repetebam meam petitonem, ac dicebam: Vidēsne eos hic, mi DEUS ac Domine; da illis benedictionem. Audivit me Dominus perquam amabiliter, ac amarum exhibendo suum Divinum vultum, & amantissimè, gravissimèq; his meam animam est alloquutus Divinis verbis: Quid est hoc, Anima? quis te huc adduxit, cum ista vehementia, tam ferventium affectuum? quid vis, & petis? quiesce jam, neq; sis ita præceps, & attende bene, quid petas: volo enim tibi dare tempus loquendi. Ad hæc dīcta, tam divina & mirabilia, quibus DEUS meam animam fuerat affatus, ipsa pro suo fervore respondit: DEUS mi, & Domine mi, ego bene scio, quid petam: est enim, ut, pro tua infinita bonitate & misericordia, impetrari tuam sacram benedictionem omnibus ipsis animabus, quam hic adsumt, in Divino tuo conspectu. Be-

Sss 3

fentes

ita  
V.  
R.  
le  
ba  
RV

sentes inchoaverunt quandam Divinam & cælestem musicam, atq; paulò post cœsaverunt, ac tum Majestas JESU Christi, Nostri Domini DEI & Hominis veri, cum summa autoritate dedit tres benedictiones omnibus ijs animabus, quæ aderant, dicendo latinè: Benedicat vos omnipotens DEUS Pater & Filius, & Spiritus Sanctus. Et omnes illi beati spiritus suo cœlesti cantu responderunt: Amen. Deinde surrexerunt omnes eæ creature, quæ se prostraverant, ut susciperent benedictionem sui DEI, & fuerunt abductæ à suis Angelis Custodibus, qui ipsas adduxerant ad suscipiendam illam gratiam DEI. Ego mansi in magno raptu, & quando ad me redij, reperi me plenissimam solatio, agebámq; magnas gratias D EO, pro omnibus operibus ipsius ac misericordijs. Ipse sit benedictus in æternum, Amen.

Alio die manè, dum quasi essem immemor præteriorum, mihi loquutus est Dominus, ac dixit: Anima, quid faciunt illi homines, quibus te procurante & pertente bene precatus sum? quid egisti cum ipsis? Quia eram distracta & abrepta, audiebámq; Dominum, respondi: Domine, nescio quid actum fuerit; tu id scis, mi DEUS, ru omnia nōsti. Invigila illis, & conserva mihi ipsos, ac da ijs maxima auxilia; & erām quasi confusa. Videns me Dominus ita constitutam, dixit mihi quām benignissimè & amantissimè: Ecce, volo tibi dicere, quid agatur. Scias velim, ab omnibus illis animabus me fuisse ardenter & instanter rogatum, ut propter tua merita ac dolores, illarum miserarer, ijsq; succurrerem.

Dum id mea anima audiret dici à suo D EO, fuit vehementer turbata, ac dixit: Quid est hoc, mi Domine, & DEUS mi? ego non habeo ulla merita, sed multa delicta & peccata, quæ commisi coram tua Divina Majestate: neq; præstigi quidquam tibi gratum, ac proinde propter tua sacra-tissima merita ipsis præstabas gratiam & misericordiam, proptérq; tuam infinitam bonitatem. Bene habet, Anima (dixit Dominus) ego tamen cogito facere, quod à me petunt, ac postulant istæ animæ, ad

eum modum & flñem, quo id à me petunt. Rursum replicui cum dolore dicens; nullâ ratione sic fieri debere, si quidem id ipsis nihil posset prodeesse. Dominus autem respondit: Veni huc Anima, quare consternaris & miraris tantopere, a me propter te fieri id, quod à me petunt, cùm tot jam annis, sicut scis, te detineam in craticula S. Laurentij, & alijs multis doloribus atq; afflictionibus? Noli adeò consternari, quia & hoc, & multa plura faciam, ac facere cogito, propter te. Erant incredibiles affectus, quos tunc sensi, doloris ac amoris DEI, cuius infinitam bonitatem in communicando se taliter suis creaturis admirabar.

### §. V I.

**V**erum ne propter suos timores intritteret agere quod augebat, dum ha infirmitates pateretur, voluit illi DEUS exhibere istam visionem (in Augusto Anni 1619.) Arripuit, inquit, me Divina Majestas quodam die in brachio, & traduxit per quendam exiguum ac demissum ignem: atq; in eo transitu sensi quasi languorem, seu difficultatem quandam respirandi, qualis sentiri solet aliquo die alii supra modum calido, neq; sum experita majorem molestiam, quam istam; & DEUS me duxit ad hortum sui cordis, seu pectus Christi JESU Domini Nostri, ubi fui summè recreata & confortata. Sequenti die Divina Majestas idem fecit, sed sensi in igne majorem molestiam, ac deinde in illo Divino pectori majus refrigerium, & majus solatium. Tertiâ die fecit Divina Majestas similiter, quo sum experita majorem difficultatem intra ignem, atq; etiam multò majus gaudium, solatium & recreationem in eo Divino horto Divini pectoris, non absq; speciali ejusdem agnitione. Postea me intromisit Dominus in suum Divinum Æs, ubi fui submersa, in illis Divinis tenebris ipsis Divinitatis. Non poteram intelligere, quid significaretur eo mysterio, & cogitabam, an non forte me veller Dominus transferre ad se, atq; mysterium significa-

ret, me ituram ad Purgatorium, ut ingrediā Cælum cum ea puritate, quæ talem locum decet. Dominus autem mihi dixit: Quid agis, Anima? deniq; tu propter tuos timores, tibi semper imaginaris molestiora. Non est, quod cogitas. Istud mysterium significat, te his diebus magis esse occupatam cum proximis, quām aliās, ex mea voluntate: & qvamvis cum ipsis pertransreas ignem, ego tamen te semper duco, sustinendo tuum brachium, neq; te derelinquo, ac deinde te pono intra me-



## C A P U T XI.

De charitate, quâ procuravit conversionem quorundam peccatorum, exhibendo sc̄e promptam, ad tolerandos pro ipsis graves cruciatus: & quomodo illi DEUS promiserit, quòd esset conservurus quemlibet, pro quo ipsa apud eum, die Sacræ Communionis intercederet.

**D**escendamus ad particularia. Demonstravit Marina suum ardentez̄lum, quando se illi commendabant peccatores. Et quamvis ipsa nancinēm suspicaretur, vivari in malo statu; si quis illum tamen ei indicabat, succurrebat ipsi pro viribus.

## §. I.

**S**ub ipsa initia illi accidit, ut D. Aloysia de Padilia, Comes S. Gadee illam secum Empudiam ad paucos dies duceret, pro suo solatio, & D. Martini de Padilia sui mariti, qui erat ejus loci Gubernator. Habant domi sue quoddam mancipium, Mārum pertinacissimum in sua sēcta, ac aversissimum ab ingressu templi. Quod cū ipsa rescrivisset adibat cum una social locum, in quo ille distinebatur eluendis pannis (erat enim lotor) & loquebatur cū eo quām suavissimē de rebus, concernentibus ipsius animam. Dum pro illo oraret, incepit durum cor Turca emolliri, qui, D E O disponente, quādam nocte somniauit, quid prateri-

ens aliquod templum, viderit apertam portam, & intus in throno habente gradus, venerabilem quendam virum, (descripsit ipsum tali induitum vestitu, quali hic conservaverunt usi Episcopi) qui illum vocavit, dicens ipse: Martine, ascende huc. Ille verò respondit: Ego non vocor Martinus, sed Ali, & non sum Christianus, neg. ingredi or templi. At Sanctus dixit: Debes ingredi templum, ac vocari Martinus (forte, quia ipsis Dominus, ille Gubernator, ita vocabatur) & accedens compulit ipsum ingredi, adactum istu, quo & accedens illum percussiferat. Recensuit hoc somnium famula D E I, atq; sic, demum animum ad fidem adjecit, & est adnumeratus Christianis. Deinde, cū agrotaret, simile quiddam evenit cum alijs duobus Mauris, mancipijs Comitissē de Alcaudete & ipsius Filie, quos ea Domina ad illam misserunt, ut eī quādam nunciarent, & ipsa inde sumeret occasionem, cum illis agendi, de eorum conversione, quod fecit. Et conversi sunt, dicente uno, quod somniauerit, dictum sibi fuisse, à quodam valde venerabili Viro: Joannes Baptista, adverte, non posse quenquam salvum fieri, nisi